

永濟縣志

第二冊

永濟縣志卷之二

城池

蒲州府城

永濟縣附郭

郡城舊爲州城平陽府志謂卽虞都舊城通志因之蓋傳說之誤而未嘗考其始築在元魏之世魏置河東郡治蒲阪又改秦州行臺在焉周隋因之至唐爲河中節度軍使鎮城安祿山將崔乾祐及李懷光所據郭子儀所取馬燧渾瑊所攻並是此城五代漢李守貞反河中使

郭威討之威曰城臨大河樓堞完固未可易尅千載已遠形勢猶是舊城所築其周幾二十里金哀宗正大八年元兵攻河中府金將草火訛可以兵少力不能守乃截其半爲內城以守周八里三百四十九步則今城是矣或以城爲李守貞反時所斷非也自草火訛可時城多殘破元代舊之元至正十年宣慰使賽因赤答忽懷遠與守禦宣撫同知范國英增修鍾迪爲之記明洪武四年千戶張蓋重築用甃裏堞城高三丈八尺堞高七尺門四東曰迎熙西曰蒲津南曰首陽北曰振威上各

建樓一樓皆三重觀甚壯其樓東曰景虞西曰鳳儀南曰卿雲北曰鑑光又設角樓四敵臺七土庫五窩鋪五十七四門外各建月城惟北門月城二重西臨黃河東南北鑿池各闊十丈深一丈五尺環六里四十五步嘉靖三十四年冬地震城壞河東道僉事趙祖元知州邊像重修尙書盧申爲之記隆慶元年河東道參議歐陽穀知州宋訓復加甃甃堅固倍昔至康熙元年壬寅知州侯康民重修自爲記乾隆十九年知府周公景柱周覽城垣多就頽圯方議請諸上憲以定其指畫未果卽

去嘉慶二十一年重修至同治七年已閱五十餘載漸多傾圯知府馮公春瀛詳請列憲飭六屬捐輸興修委永濟縣馬公丕瑤董其役工未竣以憂去後任員公啟端洪公貞頤繼修之城四面缺損處修補完備四門重樓角樓亦漸修訖惟北城上玉皇閣未完工旋以光緒四年連歲大祲遂中止焉

西近河無關南北有關惟東關有外城舊志以爲卽金時所截之餘明嘉靖二十年河東道郭時敘知州趙統重建三十四年地震盡圯知州邊像復築之有東南北

三門其西與治城接上各建樓崇禎九年知州王樺徵亦加甄贅至康熙元年秋霖積旬關城與州城垣摧圯幾半知州侯康民因修州城并關城亦新葺焉

明苟汝安重修東關古城記云正德初流賊自豫入晉太守金陵殷侯創古城則在趙統之先已有爲之者舊志載殷鏃丹陽人正德六年任自正德六年距嘉靖十九年已三十載豈鏃所創至是復毀或爲功勿就待時敘與統始竟其績耶舊志河東道無郭時敘名而汝安記又不及趙統惟稱平陽衛經歷王世卿任其事則其

所述之不同者

前志稱舊城幾大二十里爲金將所截今東關卽截之餘考金元之際金河中屢爲元破旋亦復守而元卒取之金侯小叔守河中爲元石天應襲有其城小叔自樂里砦夜攻天應坎城以登雖還奪河中城郭已半壞至明年元仍攻破之蓋就殘毀草火訛可在小叔後其時旣以兵寡力弱恐亦但因所毀破者補築以拒元而全城之規模不能復立未必果盡出於截棄也且旣稱舊城幾二十里草火訛可截爲內城周八里三百四十七

步則所截之外尙應得半今東關城地視郡郭不當三之一是所謂幾二十里者亦非其準而截半爲內城亦傳說之難定也其八里三百四十七步者明知州邊像修築時規數如此見於盧申之記遂欲舉以附於草火訛可恐非翔實之徵矣嗚呼河中古爲大藩重鎮其城郭素號壯峻而完固唐宋之盛不得見已卽明中世州萃而居者巷陌常滿旣多仕宦甲宅連雲樓臺崔巍高接睥睨南郭以外別墅幽營貴家池館綺帶霞映關城所聚貨別隊分百賈駢轅河東諸郡此爲其最今則飛

蕘蕘於朝煙列第銷乎蔓草郭中計戶不及千餘礫石
盈於道周田犁半入城關比於鮑照所賦可爲顧之而
興喟也昔之昌饒殷樂其盛者若彼今之疎蕪替瘁又
如此豈地脈會有衰盛而運數時亦乘之爲轉移哉夫
古良吏所至能使戶版日增興富致業州郡充實化陋
就豐鬱鬱閭閻都市盈溢太守竊有意焉而特媿其無
術也城自侯牧康民後久無繕者多就頽圯今方議葺
之然功鉅費重以俟上憲定其指畫而後從事焉予常
周覽其垣牆堵堞其築土廣厚而中甚堅故自康民迄

今已九十年雖缺裂崩推猶能久自鎬柱蓋前時之人
興庸立事不顧吝財費爲久長計是以其效可睹與夫
苟且之謀異也

坊表

附

舜廟

重華帝居坊

禹廟

大禹廟坊

文廟

繼往聖坊

開來學坊

關聖廟

關聖靈闕坊

呂巷

純陽仙里坊

宋名臣乖崖張忠定公石坊

察院
聽臺坊

藩司
保釐坊
旬宣坊

州治
古河中坊

黌宮
儒學坊

守禦
保障坊

恩榮

特恩存問坊
少保兵部尙書王崇古

一品崇褒坊
贈少保兵部尙書王榮王馨王瑤

崇恩華貫坊

贈少師吏部尙書張允齡

特恩並贈坊

贈吏部尙書孟汝貞汝賢

八世承恩坊

贈兵部尙書王榮等

三世崇階坊

贈中極殿大學士韓雲韓玻韓楫

恩榮世及坊

贈吏部尙書楊謹等

天寵兩錫坊

封刑科給事中韓坡韓瓚

公孤

太子少保坊

兵部尙書楊守禮

左柱國太師坊

特進光祿大夫少師兼太子太師
吏部尙書 贈太傅謚襄毅楊博

祖孫宮保坊

祖少保兼太子太保兵部尚書諡襄毅王
崇古孫太子少保左軍都督府左都督王

禎

太師坊

特進光祿大夫柱國吏部尚書
中極殿大學士諡文毅張四維

太保坊

兵部尚書王崇古

揆席

黃閣輔臣坊

禮部侍郎文淵閣大學士薛瑄

臺衡坊

中極殿大學士張四維

黃閣調元坊

武英殿大學士張四維

熙朝冢弼坊

吏部尚書中極殿大學士張四維

六卿

大司馬坊

兵部尙書楊守禮

父子一品尙書坊

太師吏部尙書楊博少保戶部尙書楊俊民

大冢宰坊

吏部尙書楊博

父子特進坊

太師吏部尙書楊博錦衣衛都督同知楊俊卿

兵刑正卿坊

兵刑二部尙書王崇古

節制六鎮坊

兵部侍郎楊博

總督三邊坊

兵部尙書楊守禮

勞績殊異坊

兵部尙書王崇古

大宗伯坊

禮部尙書張四維

宗伯學士坊

太子太保禮部尙書孟時芳

大司徒坊

戶部尙書楊俊民

祖孫制府坊

總督宣大右都御史王崇古
總督三邊兵部侍郎王之采

京堂

兩雍師表坊

國子監祭酒孟時芳

督撫楚齊坊

鄖陽山東兩省巡撫楊俊民

大京兆坊

順天府府丞景濤

盛世名卿坊

陝西行太僕寺少卿孫璧

祖孫廷尉坊

大理寺司副楊瞻大理寺少卿楊俊民

大中丞坊

巡撫陝西都御史裴紳

開府坊

巡撫甘肅都御史王翰

節鉞重臣坊

巡撫甯夏都御史羅鳳翱

特恩光復坊

通政使司右通政韓楫

兄弟京堂坊

兄太僕寺少師王謙弟太僕寺寺丞王益

兄弟臺省坊

兄郎中羅鳳翔弟御史羅鳳翱

問卿柱史坊

閱視直隸等處軍務太僕寺少卿兼河南道監察御史王謙

濟國名卿坊

光祿寺卿展自重

詞臣

學士坊

翰林院學士張四維

父子翰林坊

父翰林院庶吉士 贈中極殿大學士韓
楫子翰林院編修中極殿大學士韓爌

傳臚太史坊

翰林院檢討楊元祥

玉堂清選坊

翰林院庶吉士何汝成

風紀

烏臺御史坊

貴州道御史楊瞻

豸繡坊

四川道御史苟汝安

繡衣坊

御史劉成德